

新刻羣音類選

新刻羣音類選卷二十

虎林 胡氏 文會堂 校選

漁樵記

翦綵為花

畫眉序 富貴牡丹花色絕江東姚魏家不羨他桃紅
李白奇葩倚雕闌紅暈多情舞翠袖嬌香無價合謾
誇人比天工巧伏金刀翦就芳華前腔芍藥媚春花
獨占揚州幾萬家似西施睡起覽鏡窓紗月來時沉
醉方醒雨過後新粧初罷合前前腔香膩水仙花翠
帶凝粧露玉芽出風塵瀟灑可比仙娃素輕盈白雪

風前粉妖嬈清秋月下合前前腔春上海棠花點點
猩紅散落霞占先春流嬌蕊綻誰家動春心妖態難
禁凝媚眼香魂未嫁合前滴溜子天生下天生下千
葩萬葩人翦就人翦就奇花異花妖豔宛如生化無
香色自華誰分真假遠近相看花枝並佳鮑老催花
枝並佳牡丹富貴千金價妖嬈芍藥如描畫牡丹芽
芍藥蕊爭幽雅水仙不比梅花亞海棠不在榴花下
一般春色都虛話滴溜金東風未上茶蘼架乳燕不
來鶯尚啞墻東未見蜂蝶跨翦宮花金刀罷夕陽西
下青皇未轉東風駕賞心不論春和夏尾聲君王一

見心歡訝，賚賞何須萬戶家。望倖承恩在此花。

解佩歸家

二犯傷粧臺。銀燭照紅粧。蕭蕭秋氣入空房。寂寞煞。
芙蓉帳，冷落了。綉羅裳。傷秋豈為韶華老。懷人偏覺
夜更長。銀缸孤影，鴛鴦寸腸。強隨魂夢赴高唐。前腔。
月色顫秋光。蟾宮流影浸瓊窓。愁不盡。巴山遠望不
斷。楚天長。橫秋一鴈飛鳴過。不傳書信下衡湘。秋聲
蕭索。離愁慘傷。砌蛩悲切斷人腸。不是路。利鎖名韉。
穎脫毛錐已解囊。自徜徉。拽尾泥塗歲月長。熟黃梁。
半生富貴為卿相。覺後方知夢一場。氣揚揚。風清月

白人無恙別是風光別是風光前腔院靜更長剝啄
聲聞恁遠揚貴門墻何事頻敲夜未央轉敲忙誰人
輒敢驚門巷不怕金吾謹夜防細推詳緣何夜半孤
來往啓門觀望啓門觀望皂角兒客邊情如劍寸腸
病中身不勝悽愴托寄中道義何如閨闈內恩如天
樣朝痛楚暮呻吟唾流涎生垢汗病將危喪不嫌腥
瘴湯藥自嘗強扶持萬般辛苦恩德難忘前腔早離
別干戈戚揚暮歸來聲容沮喪為朝廷難扶紀綱棄
簪纓脫離塵網辭紫禁問青山侶漁樵伴泉石快樂
康莊早收家仗快整路裝刻歸期鹿車瘦蹇水碧山

蒼尾聲平生枉有虛名望，一旦銷鎔類雪霜。風月相
招山水長。

大隱林泉

〔北新水令〕幾重青嶂倚晴空，萬花開暖風香送撥雲
尋古徑倚樹聽遷鶯，伐木丁丁聲濺空山應〔南步步
嬌〕空山伐木河邊應，驚醒蓬窓夢，解纜放舟行綠漲
新波點點翻桃杏，短棹片帆輕，絲綸搖拽魚龍動〔北
折桂令〕正炎威萬國爐中，丹壑雲連綠樹陰濃，採樵
時曉戴殘星，荷歸時晚趁涼風，不追隨開熱功名，不
奔忙汗血西東，風雨無驚，山水多情，魚鳥忘形，到晚

來草屋南薰，唱臥月明。南江兒水赤日中天，照無波
湖水平，水天照暎，明如鏡。荷香漾裡，輕風送，柳陰吟
底涼風動。新酒滿沽，磁甌飲若長鯨。枕青簑，醉眠無
夢。北鴈兒落帶，過得勝令。休說道秋寂寞，木葉空，景
蕭條。風烟靜，採殘枝，門古籬。收敗葉，歸樵徑。有的是
芋栗種山中。茶竈碧烟輕。孤鴈橫秋漢，殘蟬噪午風。
我只見風清一帶嵐光淨，空也麼晴。千山落照紅。南
五供養。天高氣清，一片丹霞萬頃波。晴漁傍晚齊唱
滿江紅。夕陽暮影，把漁舟大家泊定。蒼烟迷鴈浦，隔
水漾漁燈。明月蘆花半江風送。北沽美酒下清霜，景

不同先行墨，禦殘冬。草舍柴扉，礙朔風。茅茨更幾重，
煨骨拙，地爐紅。那怕他天寒地凍，朝不見，官家命令。
夜不聞漏聲，催夢我呵，直睡到四更五更。天明未明，
呀聽雞鳴，看明朝陰晴未定。南園林好怯霜寒，堅冰
已成，不吞鉤魚龍遁形。捲罷綸竿不用，燃楚竹，曉烟
清。燃楚竹，曉烟清。前腔曾積下，菰菱作羹，且斟來村醪。
滿觥霜後，蟹螯堪供。一醉飽，嘯江風。一醉飽，嘯江風。北錦
上花風，雨滿空。烟迷四境，路阻人行，柴門半掩，不着
緊的殘棋，可輸可贏。沒呈答的新聲，半歌半咏。么太
玄經慢看，梁父吟高誦，柯爛無知，掖缺不縫，怕受沾

濡坐待晴明，俺不涉泥塗。俺不畏雷霆，南沉醉東風。
雨淋漓，西風漸生，霧橫空。浪濤翻動，且提起半飛蓬。
棹出湖東，那怕他拍天洶湧。舟如駕空，人如馭風。烟
簑雨笠，似天池上釣翁。（北寄生草）四下裡彤雲合，滿
空中黑霧生。風狂雪大，河水凍白茫茫，千里銀粧清。
桂松壓倒柴門，徑砍來煨酒費長吟。吟成說與梅花
聽。（前腔）想梅花無心聽，說教他水上冰。誰知冰似樵
夫性，因他冷透腸中病。病無寒熱不疼痛，一肩挑破
買臣貧。三冬熬得袁安命。（南滴溜子）誰不望，誰不望，
春光曉晴，俺不厭俺不厭。風寒雪冷，昨夜朔風吹動。

見今朝雪滿篷，梅花香送四面青山，失却故踪。歸朝
懽波心裡，波心裡，小小孤篷，搖蕩出水壺玉鏡水面
上，水面上，凜凜寒風，傾倒了銀山素影，一簑耐過清
江凍，一竿慣向寒波弄，單釣潛龍與秦龍，尾聲莫教
人識名和姓，短褐芒鞋氣味清，共結湖山風月盟。

不別還山

鶯學畫眉，月上海山間，正初更，戍角殘，征夫耳畔猶
聞戰，劍光未寒，陣雲已單，雕弓一韆，婦心亂，夜闌此
月如相伴，清光也照柴關，畫眉調鶯，鼓角二更傳，翹
首東方月，半天照山間，皓魄此時偏圓，醉吟中茗椀。

詩筒醒眼處，藜燈書卷更何言。書空咄咄，參破這其
間。鶯集粧臺，明月在中天。皎團圓，一鏡懸，三更鼓轉
聲聲慢。太行路難，蝴蝶夢殘，一宵刻漏，今將半。忙歸
去，到故園，莫辭迢遞萬重山。憶嬌鶯，山水間，風月偏
正好，梅花帳裡眠。一枕驚迴小夢圓，殘星滿天，孤菴
數椽，朦朧半醒吟不斷。早回還，西樓月轉，四鼓聽聞
然。二犯黃鶯兒，故友義臣言，契家子肅前山，居千里
蒙重盼，因風出山，飛星渡關，到來又感重推薦，盟言
在先，無心拜官，大功成不別而還。前腔，啓上竇王前，
主師已萬全，急忙歸去，情非淺，山深地寒，村孤舍單。

雞豚禾黍無人管，伸言再三姑容萬千免勞他追趕。
留連尾聲燈前草草情無限，別去空畱書一紙未得
躬辭罪不宣。

種德記

麥舟贈葵

排歌潮湧涇洲，江河水平，錦帆高掛，風生蒙艫巨艦。
一毛輕，此日中流自在行。湖光豔，山色明，菰蒲深處
釣舟橫，斜陽影暮靄凝。孤鴻嘹唳，歷過沙汀，前腔薄霧
橫空，殘霞晚晴，冰輪乍展，瑤京丹楓葉落，冷江濱，枯
樹昏鴉，栖復驚，移珠斗，低玉繩，銀河清淺，接滄溟，寒

雞唱宿鳥鳴，山城古寺送鍾聲。

一江風碧澄澄，星淡閑雲淨，月色含西嶺，聽雞鳴紫陌更闌，窓外寒光映，東方日漸升，東方日漸升，南柯夢已成，披衣曉起，衡門靜，前腔嘆吾生，沈約多般病，宋玉愁難省，在風塵環堵，蕭然一室，如懸磬，饑鳥噪故林，饑鳥噪故林，寒蟬咽柳陰，茅茨寂寞長門靜，前腔峭寒輕，玉露凝雙鬢，濕透羅衣冷，執交情，進退怡然，不敢違親命，只見那苔階上蘚痕，苔階上蘚痕，疎簾映草青，參差翠葆，重門靜，前腔聽幽禽，喧噪，渾無定，福福猶難審，道山林絕息交游，松菊成陶徑，無勞

案牘形無勞案牘形不聞亂耳聲深居陋巷柴門靜
啄木兒罹災青遭釁形陟岵空瞻一片雲北堂前花
落春暉房幃裡絃斷瑤琴九原風木多餘恨三喪淺
土難埽殯做不得董子傭身盡孝名前腔聞高譽未
識荆墓闡心懸仰北辰竄梁鴻豈乏明時屈賈誼亦
有明君常言君子安貧窮達人所謂知天命我待效
鮑叔分金盡友情猶兒墜光風霽月度量過雷陳濟
急周貧類晏嬰疎財仗義莫於君忻忻生死沾恩得
歸鄉郡前腔芝蘭契合德義重千金父子交游勝嫡
親忍居北富看南貧忻忻穩卜牛眠早圖家慶尾聲

淹留十載無愀問，今日他鄉遇故人。
銜結何年報大恩。

黑鯉記

柳塔參禪

皂羅袍此地無方可坐，借凡軀四大作榻。如何眼前
萬象正森羅，外緣屏息方知路。天雲瓶水晨鍾暮鼓，
風前旛影石上雨過，須尋百尺竿頭步。前腔欲假山
房一所，向煙霞深處謝却塵逋。陶潛無柰酒盃，周
顛恐把山靈負。青松三徑白雲一窩，鵲橋非險磧鏡
可磨。再尋百尺竿頭步。

降黃龍

宗海鄰湖潮下扶桑，派兼蜀楚川流不息見。

精元混白，碧天吞吐，模糊東連華邑。幾處玉龍深臥。
合孕鴻荒，天開地闢，秀鍾千古。前腔輿圖獨瞰，虛無
一笠晴沙，翠浮芳杜。年無旱澇，見波搖石齒，不移纖
露。冰壺風簾玉遠，人在水晶仙府。合前前腔浮屠勢
壓鯨波，劔倚崆峒，琉璃揮破。巍然砥柱，障狂瀾百尺。
雪花飛舞，喧呼排雲闔闔，跨鶴欲凌風露。合前前腔
堪圖雲母屏，孤幾處芙蓉，九峰環堵。交嵐接翠，見畫
屏缺處，白雲填補。晴晡天連秋水，孤鶩落霞輕度。合
前錦衣香黃犬亡，猶遺墓二鹿臺。今何所，天地如爐，
炎涼如火，消融歲序。兔催烏，誰唐誰宋，誰越誰吳。文

章韓柳武孫吳幾堆黃土關却心頭鎖衲衣匏俎閑
雲流水沙鳥輕鳧漿水令照虛靈色相已無坐蒲團
老禪正枯濕龍歸處鉢雲多柳枝分雨春轉葭草香
飄霧天尺五紛紛花向瑤臺墮登臨處登臨處眼空
東魯飛錫去飛錫去水面輕蘆尾聲胸中雲夢消塵
腐一笑渾無物我忘却浮生舊姓盧

削髮辭室

青衲襖每日裡操薪水為龜勉謀向黃昏倚門閭為
遊子憂他聞君脫離了豺狼口閃得他展雙眉喜叶
鸞鳳儔好似風外楊枝難挽畱空指望雪後松筠諧

白首怎做得江水無情日夜流前腔我只為司閻禁
反做了入甕囚幸剖烏臺轉陽春扶傾覆懷著孔融
心直待臨刑候方不忝翟公言生死友我要學蕭希
甫立了男女仇我要學杜鴻漸附葬輕官守雲自歸
山水自流前腔手握管城子常近公與侯怎生弄善
提念他經與呪京都外山水多明秀峰泐上烟波無
非是外州獨不見螻蟻微兀自去運土坯却不道孤
埋死尚首丘怎做得江水無情日夜流前腔他皈依
釋迦佛勝似拜冕旒搭一領繡袈裟強如懸紫綬悟
著色幻空脫了名利鈎洒着揚枝水方信我甘露手

我與他結髮情多付與并刀口我與他白頭吟這意
兒多參透雲自歸山水自流

下山虎水清玉潔霧散雲收六根多清淨三昧可求
本非是請禱桑林那此文身避周一念渾無家國憂
已息衝冠怒貝葉可羞堪誚義冠似沐猴蠻牌令自
刻取蓮花漏何必戀赤松遊客路杳青山外興廢夢
白雲頭澗河野鷗尋遠社吳淞月鶴下中秋雲水遠
一錫可投那管他赴壑鳴騶尾聲禪機幻化無中
何人肯向死前休可惜那一日暮蜉蝣

放鯉獲報

柰花子始圍始圍漸覺洋洋去復來遠旋回盼好去
龍門點額春江鼓浪避香餌莫投漁網鄭子產却又
被校人欺誑前腔釋迦佛遠在西方我行徑止曉強
梁篙頭鐵鑽勝似刀鎗泛烟波一舟雙槳看飛翔武
王事果不荒唐前腔向山房瞻拜賢良喜今日又覩
禎祥斷蛇獲衆放龜排難天道明及爾出王聞官料
王法怎容惡黨前腔念餘生已在微芒他抱清流投
入長江可見天不遺善作惡遭殃須憫隱得一失兩
弃漁航供洒掃願投方丈四邊靜從今清淨消磨障
滄波任來往舉目有神明存心滅諸妄合物知來往

捷如影響，蟻穴有魁名。溝渠出卿相，前腔仁明愛物。
心融朗，機微契霄壤。山色與湖光，為君表明望。合前

郵亭孽報

香羅帶微名粘壁蝸，身投虎窟，鴛鴦露冷，分翠瓦鳳。
笙鸞管是誰家也，遺白骨，掩黃沙。羣狐逐鼠，喧暮鴉。
痛殺無主冤魂也，燐火無烟，照落花。

錦纏道他苦顛連，言慘悵聞之可嗟。心熱亂如麻，挽
民風須教殄滅，奸邪黑松林，已是金門玉階。操白刃
勝揮毫押，就文牒竊祿帶烏紗。噉虎威，狐狸能假。方
知弓影蛇，玉與石寧無真假。斬樓蘭劍，始遇張華。

法場代死

憶多嬌（言語切）我心心地熱，糟糠恩義強掙咽，舌似刀
侵腸似結（合）燭盡燈滅，燭盡燈滅，船到江心檣折，前
腔松下葉是我心血，千愁釀成剛一啜，昔日歡（合）今
送別（合）前關黑麻（合）可惜我守法微軀，付與無情斧鉞，
血污尸骸，怎生辨別，心上事更難說，你身逼饑寒，恐
難守節，從今永訣，恩情中道絕，瓦解冰消，瓦解冰消，
海枯地裂，前腔我姑舅俱亡，門族已滅，你駕前車，我
循後轍，連理樹豈獨活，生不同衾，死還共穴（合）前

虎丘會父

甘州歌殘林疎影盼千門搖落我獨登臨壇開郡屬

見旌旄遙映鬼泣神驚坤衡運脉泉自滿撼石威風

劍有痕青蓮細寶篆輕蓮臺法像守昏燈合延佳景

愜賞心煙霞畱客薄浮名前腔千久石掌平可中亭

上促席飛觥吳歌落魄又何須鼓瑟吹笙石頭尚悟

生公語泉品應收陸羽經黃金碾碧玉罌竹爐湯沸

翠濤生合前前腔詩從擊鉢成似走盤珠滑擲有金

聲寒潭徹底轉轆轤尚怯修綆甘棠有樹人勿翦書

閣無聲鶴自鳴舒金碗綴玉英南枝消息已分明合

前前腔閑凭千頃雲見萬家樓閣鼎食鍾鳴天連湖

水白茫茫鳥飛不盡機深吳主藏壁穩墓配真娘見
虎形禪堂靜梵語清沉沉簾幙戶深局合前

黃鶯兒脫迹躡青雲乞天恩歸定省相逢纔脫淒涼
境報應已明善惡已旌始知天道明如鏡合事無憑
十年春夢一笑破愁城前腔踪跡累浮名閃殺人成
畫餅心因多難成灰燼交同死生鸞分影形樂昌再
覩重圓鏡合前前腔跨竈有寧馨露華深橋梓榮紫
泥不日來青禁絃調舊軫鵬搏遠程開元相業曾窺
鏡合前

節孝傳

淵明空樂

錦堂月隴畝人家東籬北牖青山雅稱排闥峭壁層巒當軒萬壘烟霞聽打門無吏催征喜載酒有人求學合真瀟洒笑夢幻塵羈錯分真假前腔幽雅誰勝山家春深嬌鳥啼殘柳絮桃花芳艸閉門蹄轍肯容車馬釣魚釣稚子閑敲紙碁局山荆能畫合前前腔農家樂在桑麻你去提壺挈榼田翁野老酌各路隔紅塵何知身世喧雜自甘守泉石餘閑况喜敦詩書宿雅合前前腔榮華幻泡虛華拖金縷玉難變鏡中白髮且盡杯中萬事不須牽掛沒根蒂人似浮漚不

堅久身如飄瓦合前醉翁子單怕向亂世依栖雜沓
敢輟橫藏珠向人待價非假且樂寄琴書何事能輸
山水佳合還堪笑任環堵蕭然酒錢囊乏前腔堪誇喜
麻麥田頭盈把羨水淺魚肥露香蓴滑還訝見野鶩
忘機對引交飛鬪落霞合前僥倖令蜻蜓齊上下蝴蝶
蝶舞交加早見倦鳥歸雲斜陽外深樹競繁喧栖暮
鴉前腔翠烟迷徑草香露滴簷花且自鼓腹行吟三
徑裡明日較今朝樂更賒尾聲長安車馬君休訝幽
谷衡茅趣頗佳愛殺我分外清閑足歲華

掛冠棄職

新水令歸去來兮。田園將蕪，胡不歸。既以心為形役，奚惆悵而獨悲。來者可追，來者可追。悟已往諫不及，步步嬌。却憐升斗原非計，空自惹風塵累。對看荒涼景，雜亂時，則索斂手成呆，瞑目如痴。琴劍抱相隨，且向那蒼蒼烟水浮一葦。折桂令喜看來未遠，途迷喚醒從前，今是昨非。且把那舟楫輕移，試待問征夫前路。風颺颺吹衣，瞻衡宇載欣載奔，恨晨光一點熹微。僮僕相依，稚子歡隨。荒三徑松菊存，共衰草離離。江兒水朝霞開宿霧，衆鳥相與飛。你看江空暖曖浮雲，蔽青山紅樹蕭然趣。孤帆短棹，恰歸計試問，哀猿知

因風樂事人爭羨，床頭新酒熟，錦鱗鮮。一枕羲黃月
上眠。合前節節高陶陶，一醉仙。久忘筌，人間馳驟非
吾願。還堪厭名利心。風塵面。些兒得失，何須怨。區區
富貴何足羨。合笑把黃花醉似泥。肯教對景慚嵇阮。
前腔浮生不定天。且隨緣。佳山佳水，堪畱戀。焚香篆。
調素琴，開殘卷。紅塵心冷，蘭膏燂。天涯夢斷風箏線。
合前尾聲。白衣酒得朝來便。醉倒黃花月上弦。莫把
酒興花神容易遣。

匡廬結社

桂枝香。心似孤雲，瀟散身似眠鷗。疎懶脫胸中濁感。

貪頑始超出，菩提彼岸悟。玄修上乘，悟玄修上乘。慧
生天眼流，觀俱幻在人間。萬法唯心造，心閑法亦閑。
前腔 一言增歎，把塵心頓挽。解風波苦海，支撐倚水。
月閑門瀟散，羨中宵野鶴。羨中宵野鶴，萬天雲漢。八
荒涯岸，悟清閑白髮終難變。青年去不還。**前腔** 世情
不諳，一生唯懶。但識箇寒欲加綿，和那饑來加飯。任
乾坤變遷，任乾坤變遷。回頭是岸，你看那利名關。得
處人常易，求時我獨難。

葛巾漉酒

惜奴嬌 霏雲同雲看，千峰壘玉。四野粧銀，憐飄泊雲

葉冰花搖引紛紛拍而沾衣顛狂慘冽牽愁惹恨開
門行踪滅閉蕭齋偃臥洛陽誰問鬪黑麻殷勤問酒
山村傷寒梅野水草橋投遼看銀杯縞帶車馬往來
勞頓休論利名慙去客杯酒剩閑人嘆紅塵須堪惜
風刀鉗面雪花拂髻錦衣香玄碧香縹清韻可養形
堪消悶同契遨遊執觚罄盡况兼風雪洒前村山瓶
龍瀉壺腹鯨吞把葛巾漉酒千鍾一哂任覆髻盈槽
柏折角休問接籬倒着滿頭香噴漿水令醉陶陶風
篩雪髻笑咄咄酒濕綸巾梅花香裡路穿雲竹籬茅
舍風雪歸人兒童笑籃輿穩讓他要路爭馳駿今宵

夢今宵夢羅浮香陣魂清冷，魂清冷月黃昏。尾聲人
間何事多清韻，雪裡梅花共酒尊。須把醕酏滿，抱春

寫表陳情

（要孩兒）誠惶誠恐臣李密稽首披肝謹上啓，辭恩乞
養冒天威，夙遭凶情實堪悲。生方六月嚴君逝，四歲
慈親遠，別離憐孤弱，哀狼狽。寧丁九歲，跬步方移。二
（煞）無伯叔，無兄弟，門衰祚薄當孤立。煢煢形影相依
倚，外無強，近期功戚內乏應門五尺兒。唯祖劉時嬰
疾，臣嘗湯藥，牀蓐難離。三（煞）太守遠察孝廉，刺史榮
舉上德，拜臣洗馬，東宮貴。詔書峻責，臣逋慢。郡縣催

臣星火急欲奔馳祖病方乘否私情難訴進退難違
四煞仰聖朝以孝治念故老蒙矜恤況臣孤弱尪羸
極荷蒙寵擢憐亡國豈敢盤桓有所希柰祖劉日薄
西山矣可是氣奄命淺朝不慮夕**五煞**臣無祖無以
至今日祖無臣無以終餘歲祖孫命倚難違背臣年
四十方有四祖母年登九十餘盡忠盡孝要分遲疾
須知養劉日疾報君日遲**六煞**烏鳥情敢致私乞終
養臣所期憐臣辛苦含忠赤蜀人州牧皆明識后土
皇天實鑒知矜憐憫聽微臣意死當結草生效傾葵
煞尾北堂樹草心難向懸冠意敢只望九重允奏天

顏喜臣不勝雀躍激切屏營之至

祖姑遺囑

山桃紅 千辛萬苦你朝夕勤劬我老矣形衰槁生亦是虛願你去投明主願你做好丈夫你去展斷鰲逞截蛟追亡鹿也須索把臣節能不負莫使生無補白首愧吾把忠孝流芳志不孤前腔魂驚夢楚早夜支吾炎日何銷鑠使萱花就枯但願你衰可起但願你病可除免我慘白雲泣西風憐朝露也說甚麼簪組垂金玉使我終身慕不教泉世異途把菽水齏鹽志不孤前腔哀哀反哺哽哽憐烏風木何多恨使我睽

乖否如，但願你童返老，但願榮起枯，使你壽靈椿，秀
寒松，凌霜菊也，說甚麼桑梓家貧富，使我終身輔，不
教掩泣向隅，把箕箒蘋蘩志不孤，蠻牌令我心似水
任沉浮，身似夢，付虛無，瓊臺知有路，升屋莫追呼，嘆
先生頃刻片時，千古空教涕泣滂沱，痛泉途暝暝九
原，把蘋藻庭幃，換了松柏丘墟，尾聲沉昏氣絕，如化
羽，渺渺彤歸還太初，教我迸涕交揮，慟欲殂。

金蘭記

金蘭結義

普天樂 離書幃，把工夫暫輟，尋芳去，西郊外儘有無

窮趣草如茵嫩綠平鋪垂楊烟裡影踈踈鶯調舌新
簧度又只見梨花樹樹濛輕霧覓瓊漿何處堪沾颺
青帘在桃花深塢待從容緩步試向前途前腔置台
州我一腔忠憤憑誰訴嘆萍蹤寥落無人顧喜今朝
正值春初西郊景物如圖趁良辰排愁緒只怕雒陽
秦蕪渾非故暮然間慷慨踟躕這韶華爭如不遇恨
無人為國汎掃強胡

玉胞肚權奸竊柄陷忠良私交虜庭使中原板蕩陵
夷致乘輿遷播江寧因此上言恢復冀澄清安置台
州氣未平前腔志趨先定向師門潛心聖經一朝來

際會風雲萬言上誅鋤奸佞神州久已污羶腥定挽
天河洗甲兵

〔玉交枝〕平生心事料天地神明素知相逢欲結桃園
義盟天歎血為期深蒙雅意賴維持復聆清誨當銘
佩〔合〕把金戈同留落暉把金戈同留落暉〔前腔〕如君
高義羨翩翩寰中最稀此盟豈是同兒戲必須永守
毋欺願如平勃濟安危休為蘇暴生讒忌〔合前〕

舟中擲帕

〔懶畫眉〕溪邊邂逅遇芳容好似一朵芙蓉映水紅藍
橋昔日有奇逢天涯咫尺難相共誰把紅絲繫幙中

前腔暫時相見意沖沖玉潤冰清迥不同我花枝無
主任東風今宵添上相思夢爭得詩題一葉中

憶鶯兒風正清露已升曲曲江濤千里程行盡長亭
復短亭鴉聲亂鳴漁歌可聽山村渡口多蹊徑莫留
停披星待月曉夜苦勞形

降黃龍你是閨閣名家須信書中自有似玉嬌娃不
記得瓜田李下不記得瓜田李下納履非空整冠不
雅將咱認路柳墻花請縛定心猿意馬那綵樓中乘
龍遴選定把綉毬拋打前腔你休誇我不慕繁華那
村酒猶濃野花偏冷謾說清平之話謾說清平之話

誰教你蓮臉生春，柳眉如畫，卿家心緒難拏。仗此傳情，羅帕早和諧。願貯伊金屋，是言非假。黃龍滾遍，郎君識見，差郎君識見，差作事多奇說。耳屬垣牆，你全不擔驚怕。老父來時，遮藏無暇。若知情，怎與你甘休罷。前腔嫌疑莫避他，嫌疑莫避他，良便由天假。論女貌郎才，二美非虛詐，似白壁南金，從來無價。須知道好色膽天來大。尾聲夕陽已向疎林掛，得魚沽酒興何賒。且在此維舟暫作家。

得諧私願

皂羅袍 纔共羣英鏖戰，向文場出放，居先儼如弩箭。

乍離弦，還同雲霧隨風捲。匆匆行步，為尋畫船，勞勞
瞻望。為求素娟，急忙早向中流汎。前腔老父適纔登
岸，要行時待得他旋。波濤湍急，豈能前風雲頃刻常
生變。誰來把舵，不從直言，誰能操楫。偏來亂纏，急忙
且向中流汎。

撲燈蛾和伊夙有緣，和伊夙有緣，使我空神亂。千里
線相牽，今日早成姻眷也。我心中如願，又何須白壁
種藍田。在文場才華獨擅，應首選，便做箇狀元。怎勝
這並頭蓮。前腔郎君意恁堅，郎君意恁堅，賤妾情非
淺。只恐容易間，把從前恩愛渾忘也。嘆銀河隔遠，怕

秋來羅扇便先捐。這微軀行虧名玷。將誰怨。那時節
教人空賦白頭篇。尾聲闌中取靜難。遲緩魚水相投
豈偶然。但願地久天長共百年。

六么令 心勞意攘。向前村醉飽歸忙。長空望處又斜
陽。烟淡淡。水茫茫。扁舟却向何方往。前腔歡娛半晌。
喜今朝共效鸞凰。風流端的世無雙。心怯怯。意惶惶。
夢魂飛遠青霄上。一盆花。此是孩兒調謊。無根言語。
一味荒唐。河濱風靜水悠揚。天清四顧雲開朗。真箇
教人難量。此事須當審詳。可把真情道出。休得遮藏。
前腔 看你出言非常。無憑形跡。更覺乖張。溝渠有浪。

尚隄防、乘風怎不隨流放、只得移舟他處、干理全無
所傷、勸你不須猜慮、把名節先戕。

七夕宴會

梁州序 雕雲如畫、銀河拖素、萬點明星錯布、碧天良
夜、金風乍入紗厨、忽聽叮咚簷馬、亂簇喧呼、如向人
前語、畫堂開燕喜、解塵慮、客署應將懷抱舒、合牛女
夜、莫輕覩、况一年一度誠奇遇、須盡醉、且休拒、前腔
彩霞明耀、流螢光吐、客思逢秋、淒楚梧桐葉隕飄然
恍惚、踟躕更有蛩聲啾啾、聒噪難除、攪亂得無情緒
喜金蘭重聚首、荷垂注、飲德寧辭眉黛舒、合前、前腔

笑天孫久戀歡娛，廢機杼，天心譴惡，致銀河梗阻，杳
無歸路。因構平林鵲羽，雲漢浮橋，縹緲通仙馭。人間
都乞巧，喜清趣，一曲歌喉雅調舒。合前前腔綺筵前
綠蟻盈壺，盡堂中光搖銀炬。看心星西去，大火將除，
祇見碧廊清廡，紈扇輕搖，儘有無窮趣。微涼來燕几，
共歡豫，一笑應將口角舒。合前節節高花陰地滿鋪，
月光浮，香泥襯足，還堪步。蒼苔露，金井梧，供秋賦。畫
堂玉燭光生戶，今宵拚醉金谷數。合只恐光陰快如
梭，謾將七夕空辜負。前腔新涼氣轉甦，透肌膚，秋風
一夜瀟瀟布，穿朱戶，映轆轤。笙歌互，任教碧漢星飛

度論心好把金蘭訴合前尾聲華庭散罷雞聲喔看
天河駕促歸途猶勝嫦娥夜夜孤

新刻羣音類選卷二十一

虎林 胡氏 文會堂 校選

奪解記

鬢輪奪解

駐雲飛滿酌香醪，樂奏霓裳促舞腰。宮錦餘香裊簇，
擁如花貌。茶共樂宴春朝，主家年少富貴榮華。勝似
居仙島，花射香紅點繡袍。前腔美酒佳釀，縷切紛紜，
空鳳刀。金屋張雲幃，繡戶明仙藻。茶酌酢寶璫，搯玉
盃飲導。一派笙歌勝似梨園樂。宴罷纏頭賜錦標，
畫眉序。纖玉紫檀槽，鶯語間關弄春曉。况哀聲繁手。

羨伊年少似避雄鶴驚露哀鳴失子猿穿林孤嘯合
度詞一曲琵琶裡貴主定應歡笑前腔迴風激商調
殺殺霜刀澀寒鞘轉春風和暖百禽爭噪發千鞞鳴
鏑胡弓擊萬片清球虞廟合前前腔淒鏗謾輕掃幽
咽冰泉在指尖繞似珠幢斗絕寶鈴雙掉冒胡塵漢
妾哀啼違楚國羈臣悲悼合前前腔虛彈轉輕巧白
玉寒敲聲更肖似珍珠亂向玉盤傾倒寒蛩切催織
秋宵孤雁宿叫羣蘆篠合前節節高新詞勝離騷擅
風謠聯珠抱玉超塵表情文妙詞旨高才華耀看來
不覺開懷抱劉潘郭左何足道合宛若迴風挽雪流

媚似落花依碧草，前腔奇才夢彩毫，韻飄蕭，芙蓉出水凌凡調，篇章奧，幽思標，新聲妙，縷金錯彩真堪笑，情兼雅怨人罕到，合前尾聲琵琶度曲宣詞藻，更文章光逼層霄，如此才華真國寶。

誅鞫記

途中追嘆

北新水令嘆黃金散盡一身貧，受風塵許多勞頓，當日箇長途驅駿足，今日裏歸計似窮鱗，涕泗沾巾，誰與我相憐問，步步嬌我勸東人休懷悶，且把帝痕搵，你看乾沒競紛紛，萬事由天智巧焉能運，聚散似浮

雲時困終當順北折桂令想當初別却雙親道路風
霜歷盡酸辛、只指望筭傾滇蜀智過刀任、却誰知做
不得南陽結駟、到如今反學箇東魯懸鶉、往事紛紛
題起眉顰、怨只怨沒揣的遠結婚姻江兒水憶昔饒
紈袴、深居懶出門、因圖微利來他郡、想人生何用盛
錢囤、那茫茫烟水無時盡、骨肉化離成恨、是命合遭
迤、贏得箇乾坤雙鬢北鴈兒落、辜負的意懸懸烏鳥
恩、割捨却嬌滴滴鴛鴦陣、我一天愁怎擺開那兩下
怨難承順、都管是倚門的望兒、啼眼欲昏、化石的為
夫、去心增懣、離分、知甚日還相近、傷也麼神、丟不下

的惱人腸日幾巡。(僥僥令)山深愁日暮，花落怯殘春。
這歸路風光，真是寃。更杜宇叫聲聲，不忍聞。(北)收江
(南)呀，早知道恁般落魄呵，誰待要遠涉紅塵。此時進
退兩無門，縱江東父老不生嗔，有何顏見人，有何顏
見人，只落得掩袂對斜曛。(園林好)勸東人且歸故村，
念家園生涯未貧，慢向他鄉投遼。時來後，志還伸。(北)
沽美酒，嘆風塵未住身，望庭闈欲斷魂。怪殺驅人利
幾分，役役未停輪。揚州去，轉問津，這奔波何時穩，疎
林外金烏奪迅，山中路未許，逡巡呀，急回頭各把程途
趁。(清江引)夕陽已從山外隱，尋宿須空緊，何妨携酒

尊且自消愁悶，那榮枯世事休再論。

賞月遇惡

惜奴嬌。華月初生，把一天暑氣，盡將淘淨。金波動，二十四橋光映，引領幾陣清風水上飛來。玉肌堪冷，那更持觴有嬌娃，莫惜此宵醕酌。蛤麻序。娉婷月下逢迎，愛纖纖十指，碧簫輕品，使煩襟頓解，素懷幽勝。畢竟彩鸞原有約，弄玉自多情。兩心傾，拚取清夜遨遊，滿酬佳興。錦衣香，畫橋東，笙歌競，納涼時，風光勝。月色波容，光芒千頃，放舟我欲擊空明。珍珠萬斛，灩澦體輕盈。恍清虛仙境，近嫦娥香肩相並，莫惜纏頭贈輸。

情懽慶韶華暗度，碧梧金井。漿水令夜迢迢天街已
靜，意洋洋酒力難勝，人生踪跡是浮萍。逢時歌舞，且
樂平生，塵寰事幾變更。六朝脂粉飛灰冷，莫辜負，莫
辜負，良辰美景，任勘破，任勘破，問壘愁城，尾聲酒闌
歌罷，饒餘興，且把來宵重訂，貪看嬋娟別未成。

遇盜分析

柰子花念鮑生流落天涯，幾經春未得回家。嬌娥偶
逢，願將身嫁，趁歸程輕車同駕。合休詫望將軍，幸垂寬
假。前腔念妾身早墮烟花，愛從良羞御鉛華，天緣夙
成，玉臺先下，又何勞閒情繫挂。合前香柳娘看丰姿

果佳看丰姿果佳、總堪描畫、肯教碧血臨風化、你當
初見差、你當初見差、相視等博沙、風波起杯斝、莫思
量故家、莫思量故家、管取豐城劍花、分開雙欄、前腔
苦泪零似麻、苦泪零似麻、愁腸難話、百年恩愛天來
大忍分飛彩霞、忍分飛彩霞、再去整雲鬢、還將賊奴
嫁、謾憑凌虎牙、謾憑凌虎牙、一任你刀兵亂加、捐軀
誰怕、前腔、你不須怨咱、你不須怨咱、泪珠空洒、恩情
到此都勾罷、且重施絳紗、且重施絳紗、别自抱琵琶、
從今逐戎馬、莫思量故家、莫思量故家、看取豐城劍
花、分開雙欄、前腔、論姻緣可誇、論姻緣可誇、反遭摧

挫中途失却秋雲帕、肯身從艾豎、肯身從艾豎、拚取
委泥沙、相逢在泉下、謾憑凌虎牙、謾憑凌虎牙、一任
你刀兵亂加、捐軀誰怕、

犀合記

夜宴失兒

念奴嬌序天長地久幸生居盛世、重逢聖禹神堯、富
貴功名、誰不道、身外流水浮泡、堪敵一夢、徵蘭、雙珠
出蚌、笑看庭下舞衣小、合何必羨千年雪藕、萬歲水
桃、前腔祈禱、同諧共老、畫堂中桂子蘭孫、及時歡笑
明日陰晴、端的是今日人難逆料、當效琴瑟、雙清、箕

裘兼美、可誇萬事足。今朝合前前腔、芳沼、猛然金鯉
開萍、紋鴛浴浪、眼前佳趣、會神交、堪羨處、是風遞荷
香、輕飄幽悄、萬玉稠中、雙鸞栖處、時時箜篌下、曲闌表
合前前腔、聲巧、深樹黃鸝、雕梁新燕、雙雙飛舞、語偏
嬌、如勸我、休負却美景良宵、公道朝市山林、無如白
髮、貴人頭上、不曾饒。合前古輪臺、謾奢豪、紅粧齊抱
紫檀槽、移宮換羽、呈佳妙、且開懷抱、覩紫綬、金貂對
此玉容花貌、雪檻冰山、炎威不到、洗金杯、重泛紫葡
萄、夕陽斜照、聽歸來、何處蘭橈、洞簫畫鼓、菱歌蓮唱、
傳聲縹緲、隱隱入橫橋、人聲漸杳、一輪金鏡掛松杪、

前腔香消瑤臺絳蠟吐春膏看取妙舞清歌翠圍珠
繞雜鳳管鸞簫果勝十洲三島更喜四海清平一家
和好總萬兩黃金也非寶風清月皎夜涼多玉漏迢
迢滿拚沉醉紅顏扶去玉山頽倒帳冷紫鮫綃畫把
閒愁掃百年能有幾風騷尾聲人休論逸與勞得意
處極時歡樂頃刻秋霜染髻毛

陳攢調姦

咏木兒妾本勾欄內妓女流玉石心腸期不朽雖然
是野鷺山雞已獲配鳳友鸞儔秦樓風月難依舊陽
臺雲雨成虛謬枉使襄王朝暮遊前腔卿容貌我智

謀一似東苑天桃西苑柳、既移來一處栽培、怎忍得
綠掩紅收、你看春花秋月何曾久、盛時少年誰能又
豈不見淑女攸宜君子逑、三股子且莫自由解佩纒
誰為蹇修、怎不害羞隔牆花難作並頭、劉晨阮肇天
台偶文君相如臨印走、他都是會合倉忙、相逢邂逅
歸朝懽、那風情事、風情事、我一筆已勾、怎禁他將沒
做有、寬孽債、寬孽債、若從所求、又恐他心不應口、尾
聲從來好事難成就、誰料今宵掣肘、須信朱顏不暫留、

捉姦殺子

玉芙蓉聽殘鴻鴈聲、立遍梧桐影、繡鞋兒蒼苔上露

濕如冰，你不思盟誓，通靈聖想是冤家。又雜情，我新
來病，非干受冷，分明是為你每耽驚。前腔。堦前月正
明，檐外風不定。到娘行花陰下，一路難行。剛剛脫得
薔薇梗，又早重招玫瑰屏。休急性容，吾負荆。這回不
敢再稽程。前腔。君其實志誠，妾合當欽敬。臥孩兒須
索要款款輕輕，把水沉添上。後猊鼎與你錦帳掀翻。
翡翠衾相交頸，同期死生。只怕銅壺漏斷，錦雞鳴。
前腔。鴛鴦睡正寧，蝶夢驚將醒。聽樓頭鼕鼕鼓打三
更，只圖禽獸雌雄興。那管人倫妻妾情，志薄倖與我
拖出戶庭，請教夫主杖黃荆。

鎖南枝人初靜我睡半醒西房聞有笑語聲遂使海棠聽只見櫛舍與蓮哥逞來報我親看明他到殺孩兒賴是我謀命前腔奴寧死誰敢爭除非是青天明月作證盟你那公子既無憑奴兒也堪領誰人肯自絕情你莫疑猜請思省前腔明有法幽有靈誣姦損人行與名初意要我加刑他今來自馳騁伊宗祀誰繼承細思量還是你不正前腔夫人使奴暗行西房去看誰共燈只見二奶奶坐閒評還有舅爺跪答應我就忙回轉實告鳴那時節我却也高興前腔夫人心懊惱身戰兢同奴打開門一層那時舅舅似雲騰

二奶奶便策應謀兒死賣已清望相公作明鏡前腔
情雖實事可矜你孳姦怎不同我行他母子肯自相
証這是我家門大不幸若聞僚屬事匪輕暫停嗔待
追併

玉香記

選遇仙姬

浪淘沙一鼓報黃昏盡角相聞柳梢邪吐月痕新若
有凌波微步處不惹纖塵前腔二鼓暮霞深寂靜朱
門曲闌春色上苔痕寶篆香浮金孔雀別樣乾坤前
腔三鼓夜中分萬籟無聲碧空清瑩斂殘雲袖裡青

蛇何地用掃蕩妖氛前腔四鼓露華淋玉漏催頻羅
衣輕薄峭寒侵風過水簷環珮響無限呻吟前腔五
鼓兔西沉斗轉參橫諸仙應已候天闈唱罷金雞光
漸曙速整歸輪

清江引雙纖溫瑩籠春筍香襲水肌潤槐陰樹下逢
為織機中錦今來何故輕憐憫前腔玉簪一隻君藏
穩能解燃眉困前世有塵緣昨夜都勾盡其中意兒
須自忖

含春遇勝

園林好身暫列金屏綉悵情繾綣燈前翠眉自恨一

宵沉醉，知甚日，得追隨。知甚日，得追隨。前腔。君本是
瑤臺上，魁婁願效傾心豔。使我別盡銀燈不寐。故
此題絕句，代良媒。題絕句，代良媒。江兒水。怡慶堂前宴，
含春庭下回，相携笑解同心蒂。歡娛一霎，諧鴛侶，爭
誇玉樹蒹葭倚。漫把亂紅偷覷。骨透靈酥，香滴滴露
滋金盞。前腔。夜靜枝空踏，花開鳥任栖。石床一枕鴛
鴦睡。蘭房歸後，慵梳洗。幾回又，掬相思。水就裡自驚
歡會。莫被人知。但願風流到底。玉交枝。六朝佳麗影
婆娑。翩翩繡襦，纖腰輕款鶯聲細。並香肩，看意撐持。
無情對面生九疑。有緣那怕人千里。盼得到章臺柳

堤幸折得章臺柳枝，川橙棹料香闥，非遠地，願早辦。
通宵計，綉簾閒整，效于飛，恐明朝匆匆別離，望陽關，
路漸迷，問裴航，音信稀，嘉慶子，一刻千金，應不抵，誓
盟言，敢負區區，謝伊家，驟成連理，前度郵亭，真莫比，
便是石爛江枯，心不移，此樂綿綿，無盡期，意不盡，從
今仰托青雲器，異遂百年姻契，羞殺人間俗子妻。

私通毓秀

急板令念喬才三吳俊，鬢傾峽水詞林貫，鵬望百年
諧老望百年諧老，莫為青蠅委棄殘膏，義海恩山，白首
堅牢，合同罰願神目昭昭，如負盟受天毀，前腔看姿儀

今時小喬論吟咏當年薛濤望一生締好望一生締
好蕙帳溫存鳳友鸞交地久天長忍敢輕拋合前入
月圓花月貌賣盡風流俏香腮忙簇千金笑披誠共
把宮倉告命宮天喜紅鸞照合從今去掀翻到曉拚死
在鮫綃前腔蜂蝶鬧兩下都顛倒靈犀一點通心竅
連聲便把心肝叫箇中滋味誰知道合前

二妙交歡

二郎神相逢偶謝嬌娘把良緣許就愛軟款情兒年
紀幼展轉尋思有懷未肯輕投為甚麼同心先結紐
這恩德怎生相受細推求想五百年前曾欠風流鸞

啼序錦堂風月須整留鶯期還效鳳友唯願取被底
綢繆高堂暮雨湮透休題着能詩桂英堪羨你偷香
韓壽相廝守莫認做敗荷衰柳轉林鶯瑤臺接遇成
握手譬如范丹獲取琳球向紗窓並挽羅衫袖更徘徊
徇私語嬌羞黃昏清晝莫待要參辰昴酉自評籌今
生歡會銜結信難酬前腔區區一言君聽剖喜中忽
爾添愁倘歡娛霎地春光漏那時節覆水難收風儂
雨慙只落得浪傳人口自評籌今宵雖會未必永無
憂簇林鶯枝連理花並頭翠翹敵玉腕勾鴛鴦枕上
金釵溜恩深怎丟情濃怎休恩情美滿雙珠售夢悠

悠香魂斷續，猶繞十三樓。
琥珀猫兒墜，片帆東渡，楓
落已驚秋。何日重來覓勝遊。
蕭蕭歸向白蘋洲。凝眸
看天際，三星月帶殘鉤。
尾聲明知欲去，還拖逗，這奇
逢何年依舊。恐對新亭學楚囚。

玉如意記

同上一箇故事

月夜遇仙

梁州序 金漿玉醴，交梨火棗，寶鴨香烟輕裊。冰輪初
轉，光飛碧宇，青宵只見雲無畱迹。桂影扶疎，萬里清
輝皎。舉杯邀素影，共遊遨。占斷人間風月豪。
合嬌嗔
轉纖腰，裊看仙郎。仙女同歡笑。這樂事，世間少。
前腔

銀臺光皎，玉盤高照，影浸江山輝耀。皎衣歌舞恍疑
身在丹霄，只見碧波千頃，萬疊蒼山。絕勝蓬萊島，嫦
娥相愛處，架仙橋。醉捧仙卮興欲豪。合前前腔望長
空雲淨天高，瞻白兔明析秋毫。看嗟峨宮闕隱隱遙
遙，只見寰瀛如洗，宇宙生輝。粧點風光好，為問今何
夕。喜陶陶回首天宮雲霧飄。合前前腔是何人吹徹
洞簫，聽譙樓畫鼓聲敲。參橫斗轉銀燭先搖，只見寒
光澄徹。萬籟清幽，此景尤堪道。玄霜何必搗，會藍橋
攜手巫山興已飄。合前前腔節節高靈犀已暗交，喜文簫
雙雙共逐風流俏，香烟縹玉音嬌。花燈照雲情雨意

知多少、何人為賦巫山調。(合)從今氣爽更神清、天緣
奇過誰知道。(前腔)歡娛興正豪、願今宵、鄰雞勿報催
天曉、浮雲罩、月漸消、烟光耀、襄王神女心煩惱、山盟
枕上低低告。(合前)(尾聲)今宵會合真奇妙、這姻緣人
間稀少、他日同携上九霄。

賞月登仙

普天樂 月團圓、人豪縱、舞袖翩、歌聲噴、低低唱、低低
唱、淺淺斟、鍾泛輕舟遊遍芳叢。(合)呀、羨珠圍翠擁、歡
娛興不窮、檀板金樽拚取、拚取、沉醉東風。(朝天子)望
天連水光、順波流酒觴、杯行到手、休謙讓、良宵美景。

擁紅裙幾行、意綢繆、情歡暢、聰明的姑娘、風流的宗
匠、兩兩雙、兩雙、兩兩雙、對嫦娥、神清氣爽、神清氣爽、
洞簫聲、嗚嗚響、洞簫聲、嗚嗚響、普天樂、障銀蟾、孤峰
聳、漾冰輪、清波動、光輝遍、光輝遍、萬里長空、況今宵
酒釀花濃、合前、朝天子、論蟾光、四景明、到中秋、分外
清、助人間、才子佳人興、輕歌慢舞、任星移斗橫、箭催
壺香消、鼎酒斟來滿、樽醉將來、還醒悄悄聽、悄悄聽、
悄悄聽、是誰家、笙歌夜永、笙歌夜永、趁輕風、相呼應、趁
輕風、相呼應、普天樂、論功名、成何用、掛朝冠、辭君寵、
無拘繫、無拘繫、脫却樊籠、任酣歌倚翠、合前、朝

天子觀佳人醉眼嬌聽吳歌聲韻高影褊襪來往在
波心鬧從教弄巧把催花鼓敲笑呵呵開懷抱恍疑
在九霄又如遊三島小小舫小小舫小小舫放中流隨
波飄渺隨波飄渺金縷唱玉山倒金縷唱玉山倒普
天樂夜深沉霜威重醉扶歸歡情縱你看款水面款
水面幾簇芙蓉見鷺鳥飛繞疎桐谷前

玉釵記

李元璧

玉釵軍別

玉交枝蒼穹報怨禍非常滄獄大冤為我萬里程途
遠苦奔馳巔瀆山川言之感傷情可憐潛潛泪竭腸

堪斷合甚日得分釵聘全前腔奸謀妬善苦萍踪浮
流那邊晨昏饑餒誰烹膳保身軀切甚寒喧蒙頌赦
恩得早雷速歸庭院重歡宴合前前腔緣慳分淺拆
鸞凰何時再聯齒齧童稚多看管靜虛堂又沒椿萱
閨門節操要彌堅勤于紡織尤加勉合前前腔憤冤
無辨雪茶讐誅夷在天衣穿孰與縫鍼線守清貞豈
插花鈿嬌容默默把刀鐮君懷休得生疑念合前園
林好碎花容心中慘然聽其言我心如刺刺厲付俺
中途去遠謀取命意須專謀取命意須專前腔感深
恩須結草報還路途間偕行好看聊備釵梳菲物無

嫌鮮望收安、川檢棹門深掩、可藏諸形跡、斂處久約、
箕箒蘋蘩、莫愁枯堆雲髻、髮削刀痕、血未乾、泪沾巾、
心痛酸、前腔君無忝、彗星躔、難祛遣、但水底淪溺魚、
箋望衡陽書、求鴈還、路羊腸、山外山、怒沖霄、星斗寒、
皂角兒、出鄉關、形孤影單、曉晏天、乞除塗炭、月缺殘、有
日團圓、斷腸時、數聲嗑嘆、棧道山、接天漢、保平安、無
咎患、愁消災難、玉釵分散、何日再全、恨賊徒、陷為軍、
關河險遠、甚日回還、尾聲、夫妻拆散、分情遠、明日江
村旅舍眠、行李無多、耻荷肩、

李生失釵

鎖南枝芒鞋走萬里程，離鄉不覺半載零。疲力甚伶
仃，衣衫都破損，食糲飯，食菜羹。路崎嶇，幾山嶺。前腔
莫辭苦，急趨行。天色氤氳，霧氣生。遠望廟堂門，投身
且宿寢。穿曲徑，過野林。日晡西，天漸暝。

猶兒墜，神魂顛倒，惆悵玉釵情。却是南柯一夢醒。荒
涼古廟，夜淒清，傷情。只聽得猿啼虎嘯，心驚。前腔蒼
松古柏，風撼鬱森森。石鼎香消不供燈。殿廡端坐一
神明，威靈救度我窮途。受害蒼生。前腔那人貪睡，呼
吸起鼾聲。睡過黃昏，又五更。山雞報曉，漸天明。輕輕
偷取他玉釵，逃走奔程。前腔玉釵被盜，誰解苦言盟。

約後重諧伉儷情、如今失却割人恩、追尋不知那賊
徒、東往西行

(玉胞肚犯)巴山險峻起烟塵、落草寇橫攔截人、路沒
由行、泣旻天墜、怜吾命、山搖嶽振、鼓鑼鳴、駭得心寒
身戰兢、(合)苦咽吞聲、苦咽吞聲、何處逃生、避兵、(前腔)
山高千仞、聳嵯峨、峰巒插雲、入巉岩、絕塢潛身、到此
處、怎生全命、連天火砲似雷轟、喊殺旗搖、膽顛驚、(合)
前

(園林好)告大王風威且停、小鄉庄被豪佔侵、自殺家
童誣告、屈陷我、遠充軍、誣陷我、遠充軍、(前腔)憑搜檢

囊無半文路來遙盤纏使盡只有餽糧在已乞饒恕
我殘生乞饒恕我殘生前腔聽其言情堪可矜空搜
檢真無一文甦免放伊前去爾性命却重生爾性命
却重生

玉釵凶信

山坡羊 寂寥寥更闌人靜漏沉沉燈昏香冷氣颼颼
蕩起商飈涼怯怯憐侵薄命心自驚釵分難配成胡
茄不忍聞其韻怕欲寄寒衣做未成合空庭寒門冷
似冰傷情凝顏漸漸零前腔泪連連非災招認影悽
悽鸞凰分聘靜悄悄掩上重門絮聒聒蛩聲愁聽夢

寐醒、懨懨病又生、東人塞上歸無定、目斷關山萬里程、合前
憶多嬌、天曉光出寢房、盥洗慵梳、不點粧、織絳縫裁
寒暑棠、不厭糟糠、節操冰霜在堂、前腔風露涼、草木
黃、海濶天空、信杳茫、欲送寒衣、路苦長、戎守邊疆、武
演轅門帥傷

香柳娘、問價貫幾錢、問價貫幾錢、得來凶險、此釵良
玉、非輕賤、見佳人喟然、見佳人喟然、盤駁口中言、聲
聲起、嗟怨、賣青蚨二千、賣青蚨二千、切莫久遲延、一
文不饒免、前腔我經商四川、我經商四川、年逢荒歉、
寇生猖厥、刀兵亂、擁干戈畏然、擁干戈畏然、市井絕

炊烟人氏已逝竄見屍橫草邊見屍橫草邊露出玉
釵尖拾取來易變前腔我觀物慘然我觀物慘然夫
婦九泉軍前殺死因征戰嘆人生可憐嘆人生可憐
釵遇得雙全何能見夫面望荒丘眼穿望荒丘眼穿
魂夢續姻緣鉄石肝腸斷前腔略消停少延略消停
少延暫容緩轉解衣即去豪家典愧資財缺然愧資
財缺然那減莫增添相饒價一半這事兒罕然這事
兒罕然說起淚如泉怨殺命非蹇

鎖南枝聽說罷情可矜剗心痛髓血泪零指望遇天
恩雪冤并洗恨喪幽冥魄有靈誰肯辦衣衾棺槨襯

前腔休煩苦，莫淚傾。傳言不知假，共真。天數死和生，一切皆由命。勸娘行免泪零，有日轉家門，再歡慶。

玉釵記 丘若山

媽媽閨怨

一江風日沉沉，重把烏雲整。謾對軒轅鏡，翠眉新何用煤描。淡淡似春山俊，不須脂粉勻。不須脂粉勻，如勻污我真。喜晚粧梅點天然正。前腔嘆良姻，自有天為定。不必人勞頓，念書生，跌宕風流，堪與陳思並。絲綸閣下人，絲綸閣下人，黃金階下臣，那書生莫把凡庸論。

黃鶯兒珠翠未盈頭，綺羅裳不遂謀肥甘，不足充于口，為先亡父憂，為年高母愁，莫不是池塘春草吟不就。
合細追求，娘行就裡，叅不出這根由。
前腔欲語又遲留，把珠簾懸上鉤，吾心憾憾伊知否，為婚姻牘亂勾，玉鏡臺枉收，把雁鴻名分散，鴛鴦偶。
合前簇御林裙釵輩，脂粉流，感娘行，把恩惠收，勸粧前休把眉兒皺，人能定志，天輻輳。
合嘆風流似求凰彩鳳，須有日共遨遊。
前腔他聰還俊，溫且柔，學汪汪，千頃流，萬言倚馬揮成就，那毛生肯落在三千後。
合前

寄柬相邀

醉太平自從那日見可人、冤家呀、
昨夜思量直恁到、今、食忘寢、
廢憂成病、以麼呀、佳期成不成、
佳期成不成、扯住羅衫不放他、
冤家呀、細看容顏却一似花、
丹青巧匠難描畫、以麼呀、輕盈實可誇、
輕盈實可誇、比月裡嫦娥有甚麼差、

賺一幅花箋、相請才郎看月圓、
香共紙、吾當謹遞與春元、步金蓮、
弓鞋印破庭中蘚、玉指輕掀門外簾、
檯頭看、東人在否、須明判、欲求相見、
撲燈蛾、終朝來往纏、終朝來往纏、
暗地將人陷、若與成姻眷、饒你丫頭、
瓜撇也、口兒且軟、此身到此枉多言、
怕甚麼高聲呼

喚任伊容改變難脫畫闌前(前腔)定盤星錯看定盤
星錯看潔操塵難染本是良家子休得滿口胡柴也
黑養體段如何也學上高竿看你們這般嘴臉輕浮
難入眼笑殺滿堂賢(皂羅袍)示取偷香手段使卑人
與韓壽齊肩悄然相贈薛濤箋煥乎似對文娥面細
詳清白似他節廉謾看重疊似吾恨天道是兩邊寫
不盡相思怨(前腔)暗把風情來串請君家到丹桂花
邊碧天唯賞月團圓翠幃未許人歡忭魯風萬卷才
郎不忝太真百媚佳人豈減郎才女貌正是神仙伴

佳亭賞月

江兒水 露降蒼苔潤，風生翠袖輕。重門悄出行須穩，
穿亭過却芙蓉徑。被荆榛故把衣牽定。羅襪繡鞋濕，
盡四寂人聲。丹桂小亭幽靜。前腔竹韻搖風細。花陰
弄月明。一年秋景。今宵正堪憐。皓月無情興。長宵偏照
人清冷。添助幾多幽興。對月施情。莫笑嫦娥孤另。

清江引 鮫綃三尺蘭香靄，巧製同心帶。包籠塞上酥，
結束閨中態。伴佳人償盡風流債。前腔笑看簇蝶蠻
腰繫。凝想多佳趣。鞦韆蕩颺時。蹴踘飄搖處。細尋思
動人情偏是你。前腔香羅紂世相傳起。嬌揉為觀美，
束成玉鈎彎。雅稱金蓮貴。繡衾中春浪翻寬褪矣。前

腔剛剛三寸形容小、刺繡工夫巧、最喜鳳頭彎、宛若
魚鈎妙、蹴踘場把才子魂勾去了、

香柳娘看碧天似洗、看碧天似洗、全無纖翳、一輪皓
月光千里、嘆奴家共伊、嘆奴家共伊、意不寓衾帷、祇
在心相契、合待夫人轉意、待夫人轉意、琴瑟調和、百年
相聚、前腔看月容似玉、看月容似玉、寶宮修未、嬋娟
相映金尊裡、我整冠非盜李、整冠非盜李、設使外人
知、寧信無他事、合前前腔這清光有幾許、這清光有
幾許、照人佳麗、想嫦娥一樣淒涼味、觀銀河牛女、觀
銀河牛女、相望與相憐、同心不同處、合前前腔喜秋

宵爽氣喜秋宵爽氣月光如水把樓臺浸入冰壺裡
嘆圓缺有時嘆圓缺有時風景舊依稀歲歲人顏匪
合且暫停笑語且暫停笑語聽樵鼓敲聲三更時矣
前腔看玉盤轉西看玉盤轉西金飈涼至明年此夜
知何處我徒然到此我徒然到此似入寶山中雙手
空回去合前前腔看鷺鳥飛止看鷺鳥飛止柳梢月
繫金鈴小犬東家吠看河斜斗移看河斜斗移月淡
與星稀酒倦人思寐且暫停笑語且暫停笑語聽喔
喔雞聲五更時矣

雲雨私通

泣顏回魚水兩和諧羨蕭郎得意秦臺芙蓉帳煖春
風拍拍盈懷他挨胸貼腮兩綢繆勾却前生債鴛枕
上翠髻鬆肩鳳衾中粉汗流散前腔可惜海棠花
在小庭裁被東風一夜吹開相憐相愛在猩紅蝶粉情
懷恩深似海算春宵一刻值千金價管甚麼握雨携
雲總由他夜去明來賺征鴈哀哀月色朦朧昧爽來
含羞態見人懶把臉兒擡自思裁只為你擎天捧日
經綸客莫看做路柳墻花淫奔猜休疑壞行言相顧
非無賴誓盟仍在誓盟仍在皂角兒笑襄王把雲雨
疑猜論俞之夢魂冷愛鄙安道土木相逢陋趙顏將

畫圖欽拜，怎如見冰雪肌杏桃腮，飛燕形游龍態。蘭蕙襟懷，合鮪生蒙愛，深恩感戴，惟願取天長地久，永
不分開。前腔千金體托與多才，一宵情休為草芥，壩
陵岸在青瑣窓前，西陽關在碧闌干外，若不弄蒲柳
姿，裙釵女踐盟山游誓海，死亦甘該。合前尾聲失身
玷節為兄迷愛，保形軀洞房可待，須有日尊堂意轉
來。

玉釵贈別

北新水令只恐衡湘遮斷雁魚箋，說來時一天愁怨，
只指望共團圓，到如今分兩邊，箭把心攢，恨英雄無

策庇嬋娟步步嬌只愁伊力弱筋骸倦征戍何曾慣
風霜道路難怎受那併日而食枕戈達旦題起好辛
酸交人怎不肝腸斷折桂令往軍門建業豈空言俺
兵書已習多年太公韜埋頭讀遍黃公略窮入玄玄
司馬法素諳通變孫吳智意會心傳管教際會風雲
勸娘行不必憂煎江兒水觀汝儀容偉非久寒此行
必定聲名煥五陵風月休迷戀須知深閨有箇人思
念莫學五羊忘賤義海恩山都付與一聲長嘆鴈兒
落休為俺不將脂粉添休為俺不畫那翠眉纖休為
俺清減了楊柳腰休為俺紅褪了芙蓉面休為俺不

貼着翠花鈿，休為俺懶整着綠雲鬟，休為俺無情無
緒拋彤管，休為俺多病多愁倚畫闌，聽俺休為俺在
風前月下長嗟嘆，說到其也麼間，恨殺那淚珠兒咽
口不能言，僥僥令切切淒淒情慘然，迷亂意如顛，維
住白駒人難挽，怎及得倩娘魂同去遠，收江南呀，誰
料想韓憑墓上呵，暮地裡起波瀾，把鴛鴦分散在北
南灘，勸佳人莫把淚珠彈，俺功成便還俺，功成便轉
只恐怕晚黃花不肯待陶潛，園林好蔡人妻休得看
偏夏候姬何嘗改先，束髮望君歸院重繾綣，畫屏前
重繾綣畫屏前，沽美酒謝娘行，心塞淵謝娘行，心塞

淵念鯨生何德感看翠袖斑斑又早悲淚染這滿腔
子有許多離怨淚紅粧似花枝露沾鎖蛾眉似春山
雲暗覩愁容好難排遣總剛腸怎生拋閃我可看佳
人可憐淚漣須有日返鞍笑喧呀那時節和你撫瑤
琴再把宮商來按（尾聲）一團恩愛番成怨眼睜睜此
情難判何日花開月再圓

分釵記

春遊遇妓

（朝元歌）山青水清水色山光映林深鳥聲鳥噪空林
應草色花香紅嬌綠嫩粧點無邊光景柳漸成陰兩

兩黃鸝枝上鳴，喚出百般音。偏傷遊子情，合風輕雲
淨，絕勝蓬萊佳境。蓬萊佳境，前腔拾翠尋芳，穿徑輪
蹄逐野塵。一派管絃音，雅稱歌喉。宮聲相應，轉過畫
橋西盡。隱隱朱門墻內，微聞笑語聲。則道為何因原
來，是要鞦韆戲綵繩。合前前腔謾把青驄勒定，停鞭
款款行。一望錦粧成，平鋪草似茵。多少濃粧紅粉，纖
手微伸，笑折花枝插髻雲。風送麝蘭馨，飄揚血色裙。
合前前腔但見梨含白粉，桃開綻錦英。柳絮著衣輕，
梅丸似豆青。滿眼韶華繁盛，士女王孫，挈盒携尊相
並行。寶馬步蹄輕，香車碾徑平。合前

普天樂步郊墟穿蹊徑印金蓮香塵襯入花叢入花
叢沾染餘馨被荆棘牽挽衣襟合呀愛天長日永紅
紫競芳辰須信春光一刻一刻價值千金北朝天子
過長亭短亭看桃塢杏村亂紛紛蜂蝶相隨趁綠楊
影裏是誰家美人似天仙臨凡境桃腮潤粉痕胭脂
點絳唇合趙趙行趙行趙趙行觀多嬌龐兒俊引得
人魂不定普天樂酒闌刪銷核盡日將晡歸心興錦
鞦鞍錦鞦鞍墜滿殘英花藤轎遠映斜曛合前北朝
天子響當當珮聲飄蕩蕩繡裙小脚兒露出剛三寸
秋波一轉盼行雲的眼睛暉雙鬢堆鴉髻儀容賽太

真、觀音少淨瓶、合前尾聲、今朝天假良緣、幸萍水相逢、喜不勝、共赴華筵、罄此情。

月夜追憶

梁州序、低垂繡幕、高張羅綺、一派笙歌滿耳、簾鉤懶上、爐燠風細、烟微、但見臺燒銀蠟、酒泛金卮、饋簇珍奇、異、人生快樂也、是便宜、莫惜纏頭舞柘枝、合當此際、非容易、何期邂逅相逢、遇、休負却好良時、前腔晚粧初試、雲鬟重理、蓮步輕移、裙底、丁香扣結、麝蘭遍滿、綃衣自愧、蒲姿柳質、醜貌衰容、恥向東風立、兩頰紅褪也、欲行遲、翠袖慙慙捧玉杯、合前前腔、舞霓裳

一捻腰肢調歌喚幾般音律聽歡聲哈哈笑語嘻嘻
總是洞天福地閨苑蓬萊自料應難比猛拚沉醉也
待何如斜倚銀箏覩阿姬合前前腔戲嬌娃髻亂釵
欵顧不得拋珠落翠正相宜酬勸弄盞傳盃但聽銅
龍聲滴銀箭頻催燭盡香消矣推窓觀看也斗星移
花影重重過檻西合前節節高詩魔逸興餘是堪宜
嘲風弄月無窮趣低低詠欵欵題頻頻記往來醉墨
縱橫處都將寫入詩囊內合假若春宵去復來吾儕
不惜千金易前腔清宵思欲迷赴佳期裴航有約藍
橋會同遊戲素手携香肩倚雙雙共入羅幃裡猶如

交頸鴛鴦對合前餘文忙呼侍婢相傳語、鴛鴦付雞聲
且慢啼、你且秉燭歸房莫待遲

復入烟花

畫眉序簾幙晚風輕、菲酌聊陳、敘闊情、且開懷暢飲、
洗滌塵襟、喜昨宵花爆銀缸、幸今日駕臨蓬徑、合慇
懃送盞傳盃、放任窓外月轉花陰、前腔醜醜謾重斟、
且把絃歌暫住停、柰驅馳勞頓、酒力不勝、荷相留意、
美情真、况輕造慙多愧甚、合前滴溜子謾說道去勿
匆辭而便行、料梨花雨打、深閉重門、暗天街遊人禁
行、試問良宵夜幾何、絳臺銀燭燒將盡、畫角鳴傳漏

舞頻進、鮑老催、纏頭錦、新娘娜、腰肢舞態輕、霓裳飄
動彩雲生、恍疑似穿花鳳、柳柳鶯、蜻蜒點水皆相稱、
綉裙蕩漾、豔明霞、金蓮露出剛三寸、滴滴金、輕敲檀
板聲相應、低撥銀箏雅韻清、餘音嘹唳、過行雲、歌喉
潤、恰便似、啞啞鶯聲、盃傳到手休謙遜、人生不樂、虛
度光陰、雙聲子、安排着、芙蓉褥、翡翠衾、準備着、蘭膏
沐、腦麝薰、奇花映、奇花映、彩燭明、彩燭明、似天仙、一
對、降謫凡塵、意不盡、酒闌席罷、歸房寢、衾枕、今宵喜
再溫、囑付鄰雞且謾鳴、

分釵夜別

尾犯序 盃酒餞歸程滿懷心事、囑付君聽、你是人間

豪俊、當思顯姓揚名、須聽再休、折章臺楊柳、再休覓

巫山兩雲、好潛心窓下、勤習聖賢文、前腔別酒怕沾

唇、忍看今夕、一旦離分、爭柰我、喉隴哽咽、難剖衷情、

畢竟、謹閉着香閨靜寢、獨擁着寒衾、自溫須當要堅

持節操、玉潔與冰清、前腔譙角鼓聲頻、綠牕啓看斗

柄斜橫、天街人靜、正空促騎奔程、當慎若、登山切休

馳騁、但涉水休將渡爭、記叮嚀、早尋旅店、投宿便安

身、前腔無語自沉吟、欲跨青驄、展轉思尋、只恐隔牆

有耳、窓外人聞、感承謝娘行、資裝相贈、荷芳卿、良言

美情從今去相思兩地一夜泪沾襟

計誘皮氏

降黃龍蕊嫩花嬌奈風狂雨驟色減容消含芳斂秀
恐日久枯損枝條聽道美言相告勸娘行把繫春心
繩兒解調謾空勞男不才良女徒節操胡道簧口罵
罵我是箇傲雪寒梅休猜做墻花路草為何的語四
言三平白地將人譏誚可惱只因你話不投機令人
焦躁罵你這潑賤無知自招煩惱前腔堪笑謹守徒
勞縱玉潔冰清有誰知道惡相交把枕席之歡皆成
怨開你郎君意歹心驕他失却夫綱你枉遵婦道這

琴瑟終久難調，到不如另覓知音，再彈別調。終朝寂寞無聊，每夜裡獨宿孤眠，耽悞了青春年少。聒噪不識低高，在我根前囉哩，免心焦息怒，停嗔放開懷抱。

私通苟合

鐮鍬兒 天仙來到，莫非是姻緣湊巧，俺這裏聊陳菲酌，特此相邀。為何不言不語，與不笑不肯相招，可喜他眉來俏，臉上嬌，閉月羞花貌，使我神魂喪了，神魂喪了。**前腔** 貪淫亂道，有犯明條，沒來由將人戲調，難怨難饒。讀書豈不知分曉，怎比兒曹，我本是無瑕玉，身價高，豈被你青蠅污，莫做尋常看了，尋常看了。**前**

腔不須執拗，枉自矜驕。縱會騰雲插翅，也是難逃。說甚麼三貞九烈，全節操總是虛謠。多管是前生定夙世遭。爾我皆年少，休把良緣錯了。
前腔他儀容俊俏，引惹我芳心顛倒。可喜他行藏動靜，才貌雙高。欲待要失身喪節，苟合私交，須要把山盟固海誓牢。免使人知道。把我名兒污了，名兒污了。
小桃紅人間天上，方便為高。何必多謙遜，語言絮叨。一箇郎才妙，一箇女貌嬌。定是姻緣簿，名姓標休得相推調也。請飲雙杯合盞交。
合彼此情懷好，長交久交。夜夜銀河駕鵲橋。
前腔他臉舒微笑，唇動櫻桃。悄悄低聲

語許諧鳳交、頃刻愁懷解、須臾憶念消、好似魚得水、
雀見巢、改却懼容貌也、免把相思擔子挑、合前尾聲、
川携素手、歸房早、一似餓虎擒羊、豈肯饒、掩上柴門、
不許敲、